

永春縣志卷二十八

雜錄

序曰鄭公一崧有言永春志自萬曆丙子前已闕杜志又簡而未賅雖文章事蹟有惜其湮沒者尙何碎金片羽待後起者攬耶然閩書及清源文獻諸冊以及殘碑斷碣故老傳聞猶可資一夕之叢談見前賢之韻事今擇其言尤雅者著於篇後之蒐奇攷古者或有取焉省志例有雜錄一門茲取舊志見於外紀及采訪所及傳志所遺以附益之惜乎書缺有閒耆舊凋零不能使哀然成帙也

永春古讖云留灣一輪月挂在碧潭頭有人居此地代代出王

永春縣志

卷二十八

雜錄

一

侯又云雙髻山頭分兩路馬嶺山前掛午牌雲龍橋上通車馬水流辰巽狀元來

唐末王氏入閩有僧智廣語人曰騎馬來騎馬去果自光啓丙午據閩終於保大丙午留從効遇智廣甚厚嘗有讖曰卯下田力交連井底坐二十年後從効據泉州如其言

僧元普答邑令江公望詩曰但見山前黃復青泥牛一去杳無形我來問道有何事挖撻煙餘石瓦餅

樂山之東臺有橘一株隨人取其實食之如懷歸則袖中變爲蛇蝮因稱東臺仙橘云 樂山北臺神池昔有人於此釣一魚忽變爲雙髻嬰兒其人大驚擲釣去 樂山南臺仙池崇峯壁

立其泉一泓不竭舊志曰聖泉卽禱雨之處 樂山朱陳二仙
南宋淳化七年來此築土爲傭後皆得仙朱仙福寧州人昇仙
於宋至明代尤顯靈嘗於南安八都五旗嶺起陰兵殺倭有功
嘉靖間封昭義侯自造石塔安瓦棺其中陳仙墓在西臺名冲
天蠟燭四時羣蝶飛舞繞墓不絕

福州烏石山鄰霄亭西數武有石刻宋柯述社稷壇銘云或問
社奚銘予謂祭主敬不敬如不祭社稷歲再祭所以爲民祈報
而政莫先焉予守茲土視其壇地汚且隘不足以行禮廣而新
之壇壝器宇靡不周備敢不以告於後之人於是勒銘於壇之
東南烏石山之頂前爲亭曰致養以其當州之坤焉銘曰后牧

永春縣志

卷二十八

雜錄

二

民天乃食惟社稷作稼穡風雨雷贊生殖叶時日祭有秩歲庚
午夏率職卽坤維眡壇域地汚隘制匪式爰廣新古是則辛未
春工告畢齋有廳器有室暘若雨事咸飭後之人敬無斃元祐
中述知福州建壇爲銘今壇廢僅石刻存

留頌官南恩州勸農詩云春風句引出郊行小隊迢迢草路平
自笑田蕪不歸去三千里外勸人耕

筆精

泉之紫帽山有高人嘗作梅花湯餅供初浸白梅檀香末水和
麵作餛飩皮每一疊用五出鐵鑿如梅花樣者鑿取之候煮熟
乃過於雞清汁內每客上二百餘花一食亦不忘梅也留元剛
有詩恍如孤山下飛玉浮西湖

山家清供

真覺禪師住秀州福巖黃庭堅贈以詩云蒲團木榻付禪翁茶鼎薰爐與客同萬戶參差寫明月一家寥落共清風陳軒詩云車輪馬足走塵煙競看成都萬炬然獨我踏開庭下雪伴師同坐一庵禪庭堅又書草庵歌贈之歌刻廬山歸宗寺

溫泉一在六七都登瀛橋北蔡茲有詩曰夜深來浴自然湯似泛靈槎出塵世一在龍津橋下陳知柔詩云聊同不速客來浴自然湯金峯山前官田下近真武殿亦有溫泉獨未見之題詠物亦有遇不遇也

以上皆本舊志惟桃林場碑一則見金石楊夫人一則見列女傳不重錄

宋晉江曾會嘗遊永春香積寺有詩云松門石徑亂雲黏一片孤光冷射簷鎖霧樓臺春未去嘯風猿鳥韻相兼寒巖路僻憑

永春縣志

卷二十八

雜錄

三

僧指古篆香殘待客添惆悵王孫歸路遠滿階芳草正纖纖蔡茲自題燕堂詩云世情日淺道情深悔不林泉早脫簪一世簡編貽後葉百年香火奉先心詩緣好句須親錄酒到濃時輒剩斟於此更無關意事時攜諸幼步花陰燕堂後改名長春陳休齋環翠亭詩云當年把臂入龍山猶記相逢醉夢間君似孤雲了無礙我如倦翼早知還茅簷負日真成算竹榻論詩整破顏欲問太平真氣象夜來風月到松關環翠亭爲休齋與朱子講學之地所稱把臂論詩或卽指晦翁耶

陳光與蘇升皆朱晦翁同年升詩未見光有和晦翁一律云去年渭北望卿頻今日深山屐齒新珠樹香沾千澗雨蓮峯翠滴

四時春漁郎有意休相問樵子無心可與親石榻盤旋忘歲月
瓶罍羞罄故人貧蓋晦翁爲同安主簿時曾親至岱山巖訪之
也

朱子嘗再至永春集中與陳休齋黃維之等倡和及遊覽諸山
詩多至數十篇又有與黃維之及陳易書其與留丞相書及劄
子多至二十篇計當時諸老酬答篇什何可一二數而流傳無
幾豈非莫爲之後雖盛弗傳耶清人胡天游有言云天下人皆
死惟能文章者不死雖有聖賢豪傑離文章則其人皆死雖一
時有激之談實千古不磨之論

莊少師雲龍橋記文甚平冗自係一時風氣蓋當時理學諸公
永春縣志

卷二十八

雜錄

四

皆視文藝爲末務故也因歎文學一道自唐迄清風氣迭變永
春僻在一隅自朱子過化之後惟黃陳諸公爲空谷之足音然
不過一再傳而息餘皆束縛於功令未有特自拔起者以地勢
論德化之僻陋甚於永春有清一代尙有鄧幼季丁雁水賴子
瑩諸人略涉經學詞章之藩而永春無之而今而後或亦數過
時可也耶然或爲才地所限環境所窘默數平生交遊中亦有
一二卓犖不羈者又往往天奪之年孰是具獨立千古之概能
爲舉世所不爲耶噫

李纓溪道泰德化人清初進士負文名嘗遊大鵬巖題詩四絕
兼詩豪草聖之妙予近訪其詩牌已不存矣纓溪集亦嘗從友

人郭鵬飛上舍借觀似爲李卓吾習氣所染未能馴雅吾永之黃公遠翀亦未能免倘得接近汪荅文方望溪或將一變至魯耶 家六亭先生兼才與謝退谷摯交研尋程朱遺緒志不僅以文名然文筆峻潔詩才清妙信爲有德之言其所造轉在當時負盛名諸人上與吾邑家朗山極相契重予嘗問朗山後人覓其遺著竟無存者所見惟制義文數篇而已惜乎太不爲身後計不僅歷官廿載兩袖清風也

家朗山解元炯久蒞湖湘有遺愛同治間朱道明亮率兵入永所部多所擾累惟至南湖祠堂見朗山名曰此吾湘數十年前好官家也卽麾其徒出禁勿屯駐及損毀於鵬翔祠堂則見堂永春縣志

卷二十八

雜錄

五

上有崔公洲所贈衆志成城額謂土寇林俊之亂有恢復捍守之功曰此忠義之家也亦麾兵去之
先輩諸儒讀經無明許鄭家法者所見說經之書高者只到大全下者不過匯參爲作嫁衣裳地步耳說史如黃遠公亦是囿於致堂起莘甚或以演義當事實未有見司馬溫公胡身之家法者也三通更鮮有齒及者矣賦物如林巨溪李實甫不愧能手尙未敢語江鮑况揚班崔蔡乎惟八比文則略具先正遺風生平所見如顏公疇陳公錫恩真有得於守溪榕村者但無震川陶菴浩然之氣耳周公青雲吾家朗山則視鍾陵黃岡具體而微但有垂紳縉笏之象而無涵海負地之觀疑根柢少歉也

最奇者黃遠公有時藝十數篇竟是章雲李入室弟子其精詣處或迫真黃石齋此老遊戲三昧一闋一浙異地同時何以若合符節良不可解真所謂無獨有偶也然雲李終身不過明經而遠公竟能入彀豈當時衡文者適遇嗜痴成癖者耶

周筱溪太史式濂知永春因事與朱道明亮不合明亮齟齬之坐貶羈滯省垣邑士陳韻蘭先生佩韋時爲諸生賦詩慰問其辭曰木落秋風幾度過別來身世復如何路遙那得通魚信門靜料堪設雀羅濯水蓮花真品出蔭人棠樹去思多投間尙繫蒼生望漫聽淮南招隱歌時同治四年冬間事也洎九年庚午冬太史自都回閩任臺灣鹿港分府先生復用前韻寄之曰婆

永春縣志

卷二十八

雜錄

六

娑歲月夢中過未識天心竟若何檢篋有衣都典酒到門無鳳懶張羅自憐書劍飄零甚坐見閨閣疾苦多極意望公公不至臨風一歎發長歌太史依韻和之詩共四篇極淋漓感慨之致今并錄之於左其一外車塵滾滾過紆青拖紫竟如何使無枳門棘生當路誰羨神仙在大羅到岸方知閩海闊歸途尙隔越山多此身已負蒼生望敢效賡颺賦載歌其二逝水年華轉眼過桃源風景近如何新詩漫詠猱升木往事空傷雉麗羅白屋貧時居自得黃梁熟後夢偏多官民一樣悲零落極目鵬山發浩歌其三秋雨秋風日日過涼宵兀坐奈愁何唾壺擊破鐵如意醉態狂呼金叵羅家在河梁歸未得身無子女累偏多他生不種科

名草混迹漁樵任嘯歌其惠我春風故舊過棋枰酒盞訂誰何
閒中駒隙無分寸暗裏蛛絲有網羅古木不堪當道植清流還
是在山多荷衣蕙帶歸來日莫作烏鳥叩缶歌

冷水亭有橋名姑嫂橋不知始自何年相傳爲水磨村有姑嫂
二人積紡績之資所造故名近遣人訪之僅得一石刻云艾弟
子黃十八娘造此橋

光復後甲寅七月太平村之票坪人李俊江度地造屋臥草寮
中晚見地中有光異之掘地入丈許得一石上刻漢劉廷芝立
民國三年小孟嘗開一時閩傳坊市有司欲以訛言惑衆懲之
始息後三年又於附近之山畚中見一小兒從地中出見人嘻

永春縣志

卷二十八

雜錄

七

笑農夫急舉鋤斫之斷其手遂不復見

李和鳴字莘士太僕開芳玄孫也家貧授徒於姜蓮無何妻子
相繼沒會有貧而鬻其祖妣之墳者前一夕夢一姥哭求莘士
曰先生救我我宅爲子孫不肖賣與他人明日毀折矣莘士異
之醒後留心到齋外閒步適遇鬻墳者方舉錘開掘詢之告以
貧無食一家數口將餓死莘士罄束修與之令勿賣由是墳得
全其人感之妻以女歸寧途中經澗壑見金色鯉魚獲之裹以
歸未幾孕生男名爲孕珠幼而敏慧好學父母念其弱苦禁之
孕珠竊母油夜伺父母熟寢覆燈被內讀之一夕貓捕鼠傾其
油大哭會塾師以竹號貓兒難捕鼠命他弟子屬對孕珠年最

少代對曰草名雞角土名雄雞不食蟲師大異焉免其修贄而資助之遂以文名嘉慶時中式舉人爲教諭有介節孕珠鄉榜名際熙入泮後所改也

世傳宋進士王職家錦斗微時貧困至小姑村訪其姊欲有所貸姊靳之且不禮焉及登第便道經姊家姊懼其報怨留之宴毒殺之後事發覺誅其姊籍沒之今荒田洋相傳卽其姊居宅也王氏譜稱職爲紹興己卯省元非是己卯爲紹興二十九年是年無進士科前後省元俱無職名馬端臨通考可證也或傳王胄事更誤

盛昭州及英宅二陳當時極有時名而造詣不同昭州文字是

永春縣志

卷二十八

雜錄

八

學孫樵皇甫湜一輩於造意鍊句極有工夫惜流傳至今者僅文粹中數短篇未足當全豹也二陳以制誥擅長是在隸事聲偶中見巧力雖無隻字流傳但觀五代間李襲吉輩文字可以推而得矣陳休齋講學說經不甚留意辭章然如學宮記一序語意俱高潔絕倫煞非容易銘辭亦自然入化惟間參長句微乖整栗耳鄭志因訛斂數字竟全篇削棄鐘釜易觀可爲浩歎以愚意論若使以志乘當選政則學宮記數十篇一夔已足其餘鱗爪儘割棄之亦不足惜

前輩詩章哀然成家者不數見平心論之大概山林氣勝惜猶未到王孟地位無論陶謝翰墨亦然惟近在某處見李太僕開

芳自書五言律二首字則龍騰鳳翥詩亦獲奏韶鳴真金華殿
中人手筆一洗寒酸陳腐習氣自桃陵外殆無與抗手者

永春無詞人惟見於舊志者有王識觀星水調歌頭一首乾嘉
以後見於省志者有黃元璣龍山詞一卷惜里居行輩無從采
訪末由知遺著存否也鄭晴波知州澧詞家名手莅任數年當
時竟無被其化者實不可解

近閱趙立之陽春白雪集得留雲巖元剛積翁元崇兄弟長短句各

一首亦吉光片羽矣

省志載呂烈女昭容事而訛其夫朝新爲朝陞遂復傳之駱公
挽歌樸健有氣顏奇宿宋祖堦諸老和作亦多佳者而舊志竟
不載一二可惜也其事既可傳其文亦可歌可泣竟刪薙之與

永春縣志

卷二十八

雜錄

九

讀禮不及喪服等同一陋習俗見

昭容有從姑李氏名善官爲朝新季父之駙室太平李公向素
之女宦裔也少讀經史明大義所遇之難而處之純全無憾似
比昭容更爲過之而當年諸公未聞表章張大之者豈喜奇厭
平固人情之常乎死節與立孤孰難一瞑不視與百折不挫孰
優請後來人下一轉語恐正未易軒輊

嘉慶間近城各姓械鬪被禍之家狀達京省并周公自超顏公
凌霄李公孕珠羅織入之欲一網打盡爲快不獨劉孝廉啟運
也後諸人皆得免而劉爲法受惡因郭慎老與劉姻婭同年在
京任覺羅教習以書誘往就試而陰嗾獄吏執之聞諸故老當

時捉刀之人係用控富不控兇成例劉亦易視之不虞郭之受賄賣交也卽郭亦無意必死劉但已勢成騎虎故囑獄吏迫令自殺而決獄者以周顏諸人無到案者而劉已死遂亦用救生不救死成例而蔽罪焉洎劉家屬聞知詣京伸辯已無及矣實則械鬪之事皆諸惡少無賴爲之諸老成及有家室者避之不暇但坐以不能防禁未然則可必謂其爲禍首無是理也劉氏自鏊及啟運以後尙數世至光緒間凡三百年人稱爲十三代書香家今雖爲庶不失名族郭無聞焉豈非陳平陰禍之類耶小姑陳氏爲城南大族丁口萬計相傳明代有國盛妻吳信娘者家富好施值中原大荒應詔捐賑遣其子某甲運粟由海道

永春縣志

卷二十八

雜錄

十一

媽

陳韻蘭有句曰遣興頻需酒無錢且質書又曰一杯在手厭厭醉百事回頭歷歷非蓋實錄也鄭介生尙志與韻蘭至厚然嘗面詈其短韻蘭不以爲忤介生死韻蘭挽以聯曰開口便罵人自負奇才空一世銜杯隨易簣這回長醉到千秋人謂非介生不足當之非韻蘭亦不能道也介生有遺詩一卷經亂失之中有警句曰路危蘆割面風定霧吞山徑曲疑山轉舟行覺岸移又有句云生不如人成鐵漢死當爲厲殺錢神其胸次之硤兀

可見一斑

王知州光鏗嘗遊大鵬山醉爲歌詩刻之牌上予曾往尋訪未見惟記其起二語圖南倦息孤征鵬培風無力愁搏鷹中有句云美人簫斷鳳凰引豪士賦成鸚鵡凌蓋其時曾以公罪註誤調省也

咸豐季年陶知州綬錦以事至西向鄉人恨邱公立刺骨陶與之俱民誤認爲邱擊殺之事聞株累甚衆陳孝廉邦瞻家小姑視西向族親也有所伸救宋公志環批其狀略云趙盾不討賊董狐謂之弑君許止不嘗藥魯史書爲弑父若律以春秋大義陳邦瞻安得無罪云云世傳誦之

永春縣志

卷二十八

雜錄

十一

嘉靖初汀漳寇亂顏兆榮妻盛氏與婢陳珠俱死柴公仲和哭以詩曰賊鋒擾擾迫叢林無計偷生報藁砧萬古千秋輸一死青天白日照丹心完名漫說清風嶺烈氣應同粉版陰惆悵白芒山下路獨令顏氏仰儒簪後大田郭氏婦爲賊所掠投崖死邑令楊公芝亦以詩弔之云荒丘落日自陰沈弔古興懷思不禁百尺高崖悲碎玉千秋烈志美純金直令賊破包天膽敢與山爭匪石心多少汗青煙沒事子規嘔血到于今此詩杜志有之而鄭志缺故補錄于此

嘉靖癸亥顏左史與黃山人孔昭德化令張公大綱遊戴雲乙夜方至左史吟詩云傳呼林外火來度嶺頭天黃云鳥驚移樹

火僧度過橋人張云佛寂留空塚僧貧已種田山上有佛塚故也詰曰欲登其巔適雨不果黃素以繪事稱乃畫須菩提達摩折蘆渡江像于壁而去張公具文武才手殲巨寇呂尚志詩筆亦清妙可誦與柴令仲和可稱合璧乃俱屈于偏陬小邑當國者之蔽賢可想

嘉靖癸丑有仙稱吳姓者降于留灣村人待以紫姑仙法符乩書字答應如響時魚山劉君宦石城命三僕持俸餘數金歸一僕至家匿之知不可隱願認償意在途遺失三僕均賂俄有旁觀男子忽仆地起自言其狀言畢不省所爲乃仙託之言也僕驚逃追之數日還舊處問故則云欲行而目眯竟得所匿金

永春縣志

卷二十八

雜錄

三

其他闡發幽隱問病求藥無不應者縣令羅公汝涇號夢樵聞不信乃試以號之所由乩盤中書一詩云老我曾遊南海濱樵山石上草色新問渠那得長如許爲感星官懷所親羅愕然遂以劉家匿金建石玉洞棲仙如是者十餘年兵荒乃廢後復興建至今與百丈巖天馬巖三處求夢兆者尙趨之若鶩云

明莆田林宮保俊嘗至永謁其先世從周從正二隱士墓題詩云譜牒年深闕記聞桃源古木幾斜曛碧坑舊係忠臣派介福初詳處士墳大雅留名傳絃誦窮鄉食力祇耕耘開先禮席趨陪地海月猶圓袂已分

翁公學本初爲儒士試不售乃入曾公國藩幕司轉饟後以軍

功記名試州縣能詩文惟自言於八比無領會處至永課士鄭介生爲諸生與試負其才輕之生童交試卷翁方緡閱介生坐席離丈許與同坐生偶語曰何必閱但觀之亦可定優劣翁聞焉以目攝之亦不問也其治狀稱柯恐爲孝子周夢麟爲才士俱名浮於實不愜輿論未如彭公鏊之識郭還江然翁之治績在永春實爲前後諸名宦最許杜二公要未能過或以好名訾之乃責人無己之論不足憑也

李少愚翊清以附貢生署理永春勤於課士每場多擬作以示程式生童試卷多所刪改惟無他政績可考故循吏傳未列入沈公受謙明於小而闇於大卒爲紳士所訐休致然於試士極

永春縣志

卷二十八

雜錄

三

明慎所取士亦愜輿論乙未童試場前嘗詢陳韻蘭山長韻蘭首薦余進院時實第五而以族祖叔精一冠榜時余文實未醇且好用策論及騷選與功令多所枘鑿不能以度外望之也林筱湘山長始誕時適宋知州志璟至鄉謁其祖國恩方分賓主禮讓坐而了鬢報育長孫故小字曰宋而以式璟名之祖沒家中落頗儻蕩不檢陳訓導人鳳愛其才以女妻之且助之學遂自艾發憤力學竟以文名於時

陳山長韻蘭故居筆耕堂在城內隘甚余十歲時從祖父瑤岡公至城謁之見小案上書疊尺許緡閱之漢魏六十家集也祖父搖手禁之恐污損先生適出見祖父以告先生曰童子亦嘗

讀是書乎余對曰不惟未讀且未見然此書中人已識之過半蓋是時已將三國演義全部看過也先生大悅之是後數年稍解讀歷代史而貧不能得附近數村亦無儲是書者周春臺刺史後人有之而遠在溪南亦未之知故欲觀史籍必至先生家借閱之完一部則送還仍換一部以爲常惟明史至二十餘歲乃借諸林同年清卿家前此所見僅橫雲山人明史藁且殘缺未睹全帙也

宋史極蕪元史尤甚明柯維騏及近代魏源柯劭忒俱有改作借至今未得快觀真有尉佗不居中

原之恨

樂遊擊文祥亦一良武員除築西壩及修城櫓外前後駐永殆十年未嘗干涉民事每出入單衣幅巾未嘗從一兵弁文武生

永春縣志

卷二十八

雜錄

十四

問之皆答禮余時纔十餘歲猶及見之恂恂然儒生也

張左營得貴善畫竹詩字亦可觀嘗以畫卷索諸文士題詠余在韻蘭山長處見之余時年少氣盛謂山長曰武臣好文毋乃非急務乎韻蘭曰君莫苛論人是亦韻事武臣中能此亦難矣且君不見岳忠武乎近代湯公詒汾亦好吟詠兼能繪事洪楊之亂以忠烈見縱勳業不能望前人但能近雅已遠俗塵若非薄之何以處瞋目語難者其持論平恕類如此

李公英出身行伍數經戰陣來永時老矣眉目精悍言論寡訥而奕奕有氣猶想見老將風骨王榮光被獲渠必欲殺之李公樹敏不可吳公佐熙頗非之然不置可否也其得全亦僅矣

閻統帶冠臣及林主事清卿之死余俱有詩詞輓之此以私人交際論不關黨見也挽閻詩已見集中不錄挽林一聯句云人生至此天道寧論耿耿戰場魂終古有懷誰共白一世之雄而今安在茫茫身後事九原無淚與君傾蓋林死之日其長君凱賡在廈旅寓亦於是日病卒身後眷屬流寓異地極人生之悲觀也修志時在事諸公及南洋李君俊承來書俱以不及民國後事爲適當辦法故二公之事蹟及革命豪傑其撰次論定尙有待也

洪先生瑞小名豹以文名乾嘉間潘公思光時尙爲諸生豪宕好山水遊聞先生名自安溪來訪之遇雨泥濘沾足入其齋以

永春縣志

卷二十八

雜錄

五

金魚壺濯之先生出句嘲之云小犬無知敢入深山尋虎豹潘公對曰困龍未遇聊游淺水戲魚鰕先生大異焉禮待之

陳孝廉陀龕名元楷遊幕於永落拓不得志嘗有句云一身落度真成丐萬里遊方更類僧會甲午中日戰事起將歸原籍榕垣應公車北上過陳韻蘭先生辭別先生贈以詩云龍虎風雲列陣開天涯疊疊羽書來渡河有志憐宗澤結草何人抗杜回萬里關山勞轉饜九重宵旰亟需才知君具有安邊策好覓封侯出草萊辭氣豪健不僅學杜得皮也嘗以桃花源裏人家題課士自爲五言八韻四首風流跌宕運陶入化置之吳穀人試帖中幾不可辨其詩才天縱實近代所罕見惟以家累奪其日

力所撰著不自收拾存者無幾實爲可惜

前輩束於功令家貧課徒爲他人作嫁衣裳卒少暇故以陳韻蘭之才郭還江之學爲有永春以來可屈指數余嘗謂永春三百年無詞章家惟韻蘭可以當之無經學家惟還江可以當之然兩先生於古詩古文俱未及實力則遭際爲之也林雲樵亦然余嘗記其邊帥漢班超試律中數聯云月明金甲夜秋老玉關前塞馬嘶風急盧龍積雪堅提戈欣此日投筆想當年餘皆零落無存矣可爲浩歎雲樵名楣西門外產賢村人廩生顏君逢焯妻父也還江名奇芬覆鼎人歲貢生今六十餘歲矣尙存然老病足跡不至城市殆十餘年矣

永春縣志

卷二十八

雜錄

六

還江少有神童之譽老而不遇館於故宦林荔洲捷元家林以糾抑官吏收民望士競附之亦有憑藉以起滅詞訟者郭獨矚然不滓且時有匡正亦近世所難也前後修志諸役徵聘之俱以老病辭惟戊午未亂以前嘗一至城余與閒論志事諶之曰先生可死矣文苑傳人物鮮厭人意者先生作古吾當爲佳傳以報還江靦然笑曰君亦何嘗不可死夏存古李長吉輩年壽君俱過之矣相與絕倒其雅趣若此惟不耐酒醉則爲劉四罵坐體魄少弱故也

余十數歲時最喜讀紀事文雖諸經及古文俱略成誦然癖嗜者乃在左傳史記國策檀弓孟荀次之他皆不求甚解制藝自

管韞山下閱之多不終篇閒涉黃岡石臺及天崇諸家而已時墨試律厭之若塵土而尤惡虛縮割裂諸題文以爲無理取鬧叔父恂如先生憂之恐其以白衣終會王君煥文及族叔精一等構文社乃謀於從父敬聞使與之以折其矜時族叔及王君祖沂等方以研理法審神脈主社盟而余專騁胸臆屢殿軍乃悟此事只須優孟遊戲不值悉敝賦爲之也遂稍有解會久之乃雪三北之恥又久之則小說報紙中語悉驅遣以從我法而諸先輩亦曰可矣試律則竟無是處惟好爲歌行韻蘭見而善之謂倘早生二十年予不患無侶矣然余苟生咸同以前則全永之中何處覓經史子集讀之功令束縛或博一青衿不可得

而交通困難家徒壁立又未必能爲湖海之遊其潦倒無成未必不甚於今日也

介生豪於詩酒其爲文抒發胸臆有推倒一世之概然不遵功令故終無知之者余未嘗識之而心儀其人嘗夢至一處老輩集者數人韻蘭在焉一微短而髯者起坐迎余手舉大觥相酌曰君來甚佳今而後此杯屬君矣詢之則介生也醒而異之越數日則有人云介生逝矣蓋俱聞名而未識面也少陵云文章有神交有道其果然耶

介生儒其名而俠其實其父賈於德化某令與之善值虧帑破巨資代償之家漸落父沒後貧甚聞令方官上遊往詣之不之

顧恤且責其失學不克負荷介生憤甚爲廣絕交辭貽之歸而肆力於學益喜交游初不以前事爲懲也後銘族兄與介生厚善會赴選缺行資介生家飼一豕賣以助之其孺人不可曰年關近矣積欠如山恃此稍紓君不圖耶介生勃然曰事不濟行鬻及汝何喋喋爲嘗擬策言今天下有三大弊一賣官二時藝三胥役欲以布衣上書效范文正陳同父所爲時皆以爲狂由今觀之所謂舉國皆狂乃以不狂者爲狂耶

明河南按察僉事顏公隆推事吉安時杖決大學士楊士奇子風節震一時乃其廉亦不可及也父老所傳稱公嘗自外歸抵家日盱矣未飯其夫人無婢自執爨公問釜中何物應之曰清

永春縣志

卷二十八

雜錄

六

廉骨耳蓋家無斗儲其子往市糴米未至先沸水以待之也其忍耐清苦如此所謂咬得菜根者耶

突山先生德行政事粹然儒者其沒也孟瓶菴先生志其墓稱慈惠本於天性以經術飾吏治士大夫愛其修而百姓歸其恕數語簡而賅矣其詩古文率抒胸臆不事規摹雖未自名一家要之皆有物之言如讀二程康節詩文不可執韓歐李杜之義法以繩之也

家總兵世雄及其弟副將世英勇力絕人未遇時落魄爲里族所侮及得志報睚眦之忿殺嘗侮己者十八人其行事不可爲訓而其夫人之機警實有不可沒者嘗林中起事應延平郡王

時欲選一先鋒將而難其人世雄率弟詣營自薦林難之曰若果有決心者當殺妻焚祠以示無貳蓋恐以家族係累退悔也世雄曰是何難歸而焚其祠紳莊堂又欲殺夫人夫人曰若真獸子但殺家畜以血刃往渠能辨哉乃殺雞而匿夫人于其母家往見之林大悅重任之後見延平屢劔知天命有歸乃與林同就撫洊歷重鎮以功名終其盜甲猶存紫美故第自肩至趾約修七尺無能勝者信非常人也

呂華俗稱華伯馬跳之陷以被困久族子懷貳者啓鄭時英軍自後砦入攻破之非降也舊志不察一字之誤埋沒忠烈可爲浩歎此事舊譜可據其族裔諸生蜚聲爲余言之惟言縛送廈

永春縣志

卷二十八

雜錄

九

門膊死與舊聞微異似僞知縣乃鄭經委署非耿氏也

余繼昌者忘其里籍道咸後遊幕來永初嗜阿芙蓉旣而悔之有七言長律一首詠其事中多警句如土入阿房一炬焦非丹非永學仙燒無端偶失雙跣足轉眼空纏萬貫腰煙館秦樓眠弄笛醉鄉吳市臥吹簫管裏有天忘大事枕邊無日不元宵胡蘆谷小埋多士華屋金亡哭阿嬌云云每一誦之可當晨鐘暮鼓惜忘其全篇

鄭雪蕉刺史修志時顏突山以所見不_口力辭不許然未嘗至局握管傳信集中自記可證付刊仍係突山總纂殆以其名重耳今於兵戈搶擾之際爲承平文獻之徵同志諸公謬以南董

見推且以桑梓大義相迫不得已遂承其乏然事力之艱窘程
限之倉促視突山時不啻倍蓰所異者筆削微權少獲自遂耳
然局外之多口時聞塵務之掣肘彌甚譬之負千鈞而陟峻嶽
歷九折也况轉喉觸諱遊羿彀中談何容易使突山當之不知
竟作何語想除潔身遠引外無他策矣

陳休齋先生族裔以殉宋赤其族舊志遺之余既采其略入忠
義傳矣後復遇施秀才京年於麻刺甲言其祖雨亭公遺集記
休齋後人事甚詳中有龜龍橋與元兵劇戰敗後退守蓬壺被
困元遣耆老往撫不從各節喜其事之信而有徵也

丁卯春余將南遊既成行林煥卿先生再投傳稿一大束多上

永春縣志

卷二十八

雜錄

三

場顏姓及蓬壺呂姓二家譜中所錄出者中有顏均泰及子孟

僉事隆德之兄

之長厚顏鎮之武勇呂壺野之技擊呂熙呂公瑤卽

齋呂文彙呂祖生呂廷儀諸人俱有行義可傳惜乎時日匆促
未及參稽補入也

郭徵君奇芬生平恬澹寡營除設帳授徒外足跡罕至城市其
遷化雖在己巳仲春間要之其人如傅青主李二曲一流宜歸
之舊史不宜枉廁新朝人物志者也其賦詠有關於代謝者亟
錄數章以當麥秀之歌光復前匝月和潘安甫榕城感秋六首
其一云路入桃源境卽仙與君文字續因緣款秋同掬靈均淚
射策空懷庾信年鄂渚風雲迷楚地薊門煙樹黯堯天而今安

用毛錐子合逐班生勒燕然其二云深秋淪滯在天涯念亂何
心感歲華陸地蛟龍營有窟澤中鴻雁集無家祇宜攬物吟萋
楚未忍開樽對菊花赤甲黃牛天下險傳聞處處起悲笳其三
云別有殷憂志未忘感秋豈獨爲秋傷樹啼烏鵲三更月野宿
貔貅萬幕霜一日幾回傳急電九天無路上封章諸公見說多
明哲爭趁鱸肥返故鄉其四云元戎大隊出天街旆拂秋雲望
欲迷未見塵氛清鄂北又傳警耗到江西伏波馬革心空壯橫
海將軍首易低漫把鉛刀思一割可能切玉快如泥其五云一
從外患怵強鄰軍服營規壁壘新只道屠鯨憑妙手那知放虎
適危身問誰破浪追宗慙笑我憂天類杞人萬里長風吹隕籜

永春縣志

卷二十八

雜錄

三

洞庭極望總傷神其六云涼露清霜冷迫裘客途落拓易悲秋
寸心偏集千端感斗酒難澆百斛愁黃葉有聲宵聒耳青天欲
問日搔頭從今渭上垂綸侶未許磻溪戀釣舟沈寶高華兼而
有之少陵以後名手除元遺山車駕東狩五章外鮮見有如是
激越悲壯可泣可歌者也授徒產賢時嘗和余懷古十餘章此
稿久佚今僅記其一二矣錢塘云渡江泥馬到錢塘艮岳煙昏
日色黃大事竟爲和議誤中原空有出師望西湖臺榭清秋月
北狩軒輿遠塞霜不是金甌無缺日偏安莫更笑孱王隋宮云
千里龍舟兩岸楊錦帆到處起阿房大堤風絮春三月南部煙
花夢一場未見祇宮歸穆滿卻憐抔土剩雷塘運艘代受開河

利誰向荒墳酹薄觴蜀中云赤帝運從白帝終愁雲長鎖永安宮成都無復桑千樹古廟空存柏一叢六伐人心知正統三分天意限英雄劍門北上連雲路浩氣時騰貫日虹論古有識警健處不減臥子日干但未知視獨漉堂何如耳惜不自收拾所留者僅此吉光片羽也又嘗賞余地震紀異長歌次韻和之又自用韻約近千言光怪陸離幾於玉川月蝕青田二鬼余諧之曰讓君陸地上馬步稱雄不足還思闖空海界到潛艇飛機上一角優劣耶握手大笑此戊午夏初時事未幾君還山余亦避地海外十餘年來不復逢此樂矣而今而後高山流水祇想像鶻嗥狄嘯聞耳可勝歎哉文繁不錄永春舊志於志傳後別列

永春縣志

卷二十八

雜錄

三

藝文一門以收碑記賦詠之屬今既從通志局例其有關事實者分列入各條內其僅爲模山範水之作者概多刊落惟林作舟大鵬山賦一篇附入山川志中則文繁用寡棄之則令文章乏味因補錄於此爲全部之鳳尾其詞云浩浩乎蒼茫萬丈翠嶺千重垂雲擁霧裂皆盪胸仙翮凌虛翔千仞而爲六月之息靈鯤徙遠望三台而聯九日之峯天柱高而莫卽南冥廓其有容維茲鵬山之名勝是爲桃谷之靈鍾煙凝嵐溼磴碧梯丹清標斗極翠落雲端拔地無蹤宛借灑池而奮跡插天有象訝從南海以翻翰乘羊角之長風攀附者嶼鳧汀鶴低螺鬢之疊出拱向者峙鵠停鸞爾其峯嶸周遭崔巍狎獵大羽下垂小尖旁

挾飛來何處瀛洲之三島常排跨去有人帝闕之十城可接仰
天門之誅蕩九萬風遙俯桃水之奔騰三千浪疊雄飛海運昂
藏直躍龍池巨鎮春城杳靄端臨雉堞偉矣林麓之雄觀嘗試
登臨而曠望羌梵磬之徐聞亦樵歌之曉唱萬家煙火綠楊城
郭圖中十里帆檣紅蓼秋霞浦上川原歷歷御風而走碧無垠
雲樹邨邨放眼而搖青萬狀北來天馬差堪伯仲於層霄東接
雲龍都作兒孫之列嶂乃若石奇犖确樹老扶疎福地自成雲
封佛塔洞天小有煙鎖精廬藤壁午陰靜眠松鶴琳宮夕照聲
響木魚七七花開躑躅紅垂而春老三三逕曲旗槍小試於涼
初洞口桃花散餘霞於下界石壇雲葉徧甘雨於靈墟不僅供

永春縣志

卷二十八

雜錄

三

遊人之興逸動騷客以情舒彼夫山海幽奇南華幻杳夸娥移
之雍南巨靈擘之華表縱極意以鋪張疑所傳之茫渺乃觀巍
岫之高空如見奇形之夭矯摩天振翼海南之保障維新負地
披雲斗北之屏藩已肇嘉名誰錫千巖附翼而飛絕頂曾攀一
覽衆山皆小於是思扶輿之磅礴聳崖巘之開張繞瑞煙之靄
靄積佳氣以蒼蒼會霓羽於蓬壺峯皆錦繡引仙音於大呂山
是文章鼇戴何曾知培風之已久豹藏有自識毓秀之無方蓋
惟地脈涵噓自見人才挺特仰鵬岫之在前幸鵬路之可卽乘
變化於滄溟顯羽儀於王國當日鷺峯鵝嶺海山生鵬翼之雲
今日鳳沼鸞坡星斗照鵬程之客是豈地之捨也可笑而決起

而飛亦豈風之積也不厚而負之無力哉

此篇前輩無人不讀幾於洛陽紙貴陳璜雲居巖賦非其敵也
近世作者惟林煥卿樂山觀日賦庶幾嗣音家成勛讀至萬家
煙火云云拍案叫絕質余曰此等題倘先生以揚班筆力爲之
當更高古余曰高古不難只好處已被道盡惟末段未脫制科
習氣爲可惜耳成勛字葵園從余遊善長短句有葵園樂府未
刊

永春縣志

卷二十八

雜錄

五

附記修志始末

志之缺修百三十餘年矣民國紀元後粵人陳公培基爲知事時始奉省垣檄修縣志時陳公擬命余總其事余薦郭先生奇芬事未就而公去位爾後戎馬之警日棘當局者不暇問及矣林君懷瑜亦嘗著手未成而罷最近王君榮欽與王君光張周君祖揚復倡之集閭邑士紳會議并馳函李君俊承得其贊成並獨任刊刷資乃於十四年積極進行於是任採訪者有鄭精一周炯煌邱調羹孫逢辰林宗器陳國章劉經中鄭聯珠呂蜚聲林芳慶林欣慶康明書鄭炳輝王俊陞劉以仁顏文明陳北年陳承和陳光華鄭成勳而郭奇芬先生亦大有助力焉蓋先

永春縣志

附記

一

生老不任書故不能至局任事然屢命其長君錄稿投局其功不可沒也採訪既竣余乃分別部署請林賡揚潘鴻基林炳輝郭達材周騰飛張廷佐諸先生任編纂之事稿成則由主任兼分纂王君光張彙齊送余筆削而王景沂許繩其兩君皆備顧問參去取焉文牘往來則余生騰芳任之其留魏國世譜則得之劉君敬安李野塘志銘則得之李生騰芳及其族人奕聲君處時李氏方修譜也呂烈女事蹟及同時挽祭詩歌則得諸宗人聰處其他旁搜博訪有出於諸同事纂輯之外者非更僕所能終也顧有一事爲余所不能平者則爲同事諸公訂百二十日歲事之約及稿成又要求於約之外而請以全書相付也白

衣蒼狗時局變遷迅於浮雲倘如其請則此百二十日所耗之
腦血正不知浮沈何所耳故不顧諸人之缺望而載以浮海界
之李生俊承差幸此書之得所歸他不遑計也丁卯十一月下
澣書於星洲之東陵

永春縣志

附記

二

後敘

永春志乘自明嘉靖迄清乾隆凡五修嘉靖以前舊志林次崖希元斥其荒誕猥俚無可藉手勿論已嘉靖丙戌總其事者縣令柴公鑣而操筆削之權者則希元也爲篇七爲卷九學使仁和邵銳序而行之書雖無存其言論風旨猶閒傳一二焉可謂大輅之椎輪和璧之璞石也自是以後萬曆丙子再事修輯總其事者縣令許公兼善而操筆削之權者晉江朱安期先生分校閱蒐訪之任者則鄉文學蔡鐘劉龍兩先生而方平劉大義兩弟子員與焉爲卷十二劉龍序之所稱尙有甲寅莆東荆游續志爲參考互訂之資今皆無可徵矣有清一代修志之舉創

永春縣志

後序

二

始於康熙甲子知縣滿洲鄭公功勳奉部令爲之而教諭蔡祚週先生佐焉其書間有存者余嘗於御屏族親及社山顏景泰先生家見之要之事蹟言論不能出杜鄭兩志範圍也杜刺史昌丁作令於雍正乙卯而纂修於乾隆丙子至丁丑書成序而刊之凡爲目二十有四卷三十有五司編訂之任者永福黃莘田先生及其猶子成迪也自是訖於乾隆丙午越三十年刺史英山鄭公一崧以風雅之才兼創述之志維時國家昇平人文鼎盛今考其著於簡端者編纂則顏疇林爲楫兩先生而涇縣舉人鄭君廷獻與焉協編則州同福山王公景緒而儒學張植華雷元運兩先生與焉校訂則訓導顏汝霖家朗山孝廉炯時

爲州名諸生而閩縣舉人鄭君淡與焉采訪則有王有源傅時
謀林露濃邱人騏林梅羹王士鏞鄭凌雲鄭和鈞劉象賢周維
楨顏士龍鄭克安黃先登顏凌霄邱人驥鄭愛春李孕珠林得
震林作羹陳宗碩王維顯凡二十一人計其中舉人八廩膳生
六增廣生四附生三而督梓者則吏目介休張生瑯巡檢山陰
周步瀛潞城宋飛鼇也書成於丁未六月首尾凡一年餘除卷
首繪圖外計爲卷十有六總目十三子目八十有四大體明備
過前遠甚惟名宦傳附職官而人物中仕蹟宦業實同名異典
禮則全鈔通禮風俗則不紀婚喪間有紀事而作駢偶或堆砌
典語者則囿於風氣聞見寡狹之故也茲當政體更變之際舉

永春縣志

後序

二

從前束縛忌諱之弊一掃而空惟邈隔前修百有餘載故老凋
零典籍煨燼雖極意蒐討而奇偉高尚之行與夫禮樂刑政之
要其湮沒不彰者何可勝數而猶幸同志諸君子之贊襄匡正
得以存什一於千百斯則可藉手以告天人而無慚者也知我
罪我所不計已時中華民國紀元後十有六年陰曆丁卯二月
上澣蒼亭鄭翹松敘

內萬曆丙子條下據朱肖簡原序有鄭嘉猷始謀襄贊王天
策李開芳咸有討論云云則同事不僅劉蔡諸人也附識於
此肖簡名安期晉江人事蹟見泉州府志及福建通志蒼亭
又記

予與臥雲子幼同里長同學以超人行業相期許於當世學問事功唾棄之如草芥世亦競詆之以爲狂當是時意氣之盛兄劇孟而弟灌夫不是過也洎乎壯年各行其志不相爲謀偶因責難爲讒所中幾於同室操戈一旦幡然則又瀝膽相示金蘭之契由此益篤始信廉藺高風去人未遠君子之過如日月食非虛言也獨惜臥雲齡纔強仕國難方殷予頻年奔走冀得一當博求忠實同志以相贊助而臥雲以養親故屏絕一切自圖暇逸予頗憾焉然臥雲雖肥遯自甘而危疑之際每不惜褰裳以赴言人所不敢言亦任人所不敢任揆其裨益較諸嘗同事者未知孰先特晦不自暴人亦鮮知之者蓋其自待待人均以

永春縣志

宋序

一

古賢爲程龐之不去招之不來臥雲有焉民國十三四年永有修志之舉邑人士僉謂具史家三長者舍臥雲莫屬臥雲亦雅以自任予嘗戲詢敘林俊謝險事云何臥雲復曰險事無足齒獨俊舉義具革命之思行已有俠烈之概惜爲時地所隔不得與石達開李秀成輩馳騁中原然已非任柱苗沛霖輩所敢望矣其持論不肯苟同如此予嘗謂臥雲好遊似司馬子長其筆力雄放能曲折肖物亦略似之惟體裁過於明密不免囿班范以下蹊徑獨恨僻處方隅不獲一快其意晚且遁而學佛閒爲唐宋人歌詞以自娛嬉殆趙邠卿所謂以亂思遺老耳非本懷也縣志之著亦僅一斑未足以盡其長而俗流無識震而矜之

或且從而議之羅者藪澤之觀庸足加損於鯤鵬之豪末哉客
歲予閒寓滬上臥雲翩然來訪出全志稿本相示且於予縮小
省區之說以爲約而易舉得周官管子之意歐美行之久著成
效在吾國則尤爲根本要圖弭亂致治茲其嚆矢臥雲固非闇
於時者然世方迂予而臥雲猥引爲同調人又將以迂予者轉
而迂臥雲矣爰書其概與臥雲相視而笑遂以弁諸簡端昔

民國十九年二月

宋淵源序於上海之霞飛坊

永春縣志

宋序

二

書重修永春志後

往歲吾師臥雲山人南遊星洲攜其纂修邑志以授李俊承先生喜曰吾書得所歸矣並語余曰是書以百二十日之工成之雖不敢云完備要已十得八九是殆冥冥中有默相者昔胡天游氏之言曰古今人皆死惟能文章者不死吾邑先烈因是編之成不啻更生而吾亦竊附於不朽余惟吾師生平致力於學數十年下筆千言博大精深罕有其匹所著述甚夥而以茲編爲最稱心滿意之作間嘗論之有著述之才者未必當著述之任當著述之任者未必盡著述之才吾邑先哲如陳知柔顏廷渠李開芳開藻莊際昌諸公或以理學傳或以詞章顯顧至於

永春縣志

鄭序

一

今欲搜求其遺集渺不可得而前此邑志之留貽於後者亦僅止於有清中葉自清以上弗可見矣由此觀之吾師以著述之才得當著述之任使後之人欲讀吾師之文者得於斯志求之而斯志亦遂因吾師之著述而不至於廢隳然則非特吾師之幸亦斯志之幸與後之人之幸也獨是郡縣之志乃有司者之責吾邑不幸頻年喪亂纂修之望不絕如綫蓋一困於經費之無着再困於議論之紛歧乃自得先生捐貲提倡而工作於以開始繼復得先生一言主張而衆議隨以大定先生與余同出師門知師甚深每以碩果僅存爲懼亟欲斯志成於師手以爲榮幸故始終其事不遺餘力迺者以付梓事商之於余余高其

行誼亟贊成焉所需款皆先生一人任之宜乎吾師之以書授先生而喜其得所歸也先生博學而多才其爲人恂恂儒雅生平事父母至孝急公義樂慈善實皆可書以爲後法而先生謙讓不自有也故余爲敘其略於此使後之續志者考而書焉

民國十八年秋九月 日

鄭玉輝書于星洲

永春縣志

鄭序

二

永春縣志勘誤表

冊	卷	葉	行	字	
一	一	五			圖第一幅眉端十八里八訛作七圖中縣治左方空處當添填集慶鄉儒林里廿五都九字
一		六			圖第二幅東南角魚目隘目訛作日 南偏與夾滌相近之天柱山柱訛作莊 東北偏鉄甲寨甲訛作里
一	三	九	一	三	華訛作革
二	七	七	七	七	春訛作永
二	八	八	三	七	開訛作聞
三	三	七	二	八 九	年來訛作來者
三	西	七	四	六	雙行小字丁訛作辛
三	西	五	一	一	制訛作封
四	大	四	七	重	得字下脫己字
四	大	九	七	一	待字複出
四	大	三	五	二	歸訛作剛
四	大	一	六	番	進訛作第
四	大	四	九	番	琰訛作炎
四	大	一	六	三	修訛作修
五	五	六	九	二 三	實錄訛作十六
五	五	一	八	十	彼訛作後
五	五	八	七	酉	禍訛作被
五	五	二	二	六	璋訛作璋
六	六	五	十	三	戰訛作載
六	六	六	八		(門外車塵句)門字誤排在本行末第二十四字
六	六	六	八		欸訛作款

民國十九年十一月出版

全部六厚冊定價大洋

元

編纂者 臥雲樓主人

付刊者 星洲李俊承

承印者 中華書局

代校者 中華書局

中國農民銀行

圖書館簡則

1. 本館借書時間除期星日及例假外每日上午八時至十一時半下午一時半至五時半
2. 借書以二星期為限期滿時欲續借書者須先將原書攜至借書處聲請續借如管理員審核並無他人需要得酌量展期但至多不得再過二星期
3. 借閱圖書不得圈點批註拆角污損如有以上等情者應照時價賠償



Pe03/5986.1-6